



10. juni 2025

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaaterparpunga.

Naalakkersuisunut apeqquteqaatit:

1. Naalakkersuisut paasissutissiisinnaanerpat, kisitsisinik imaluunniit paasissutissanik peqarnerseq, ukiup ilaannaatigut sulisartut qassit ukiumut Kalaallit Nunaannukartarnersut suliaortlutik
 - a. Taamaassimassappat kissaatigaara amerlassusaasa paasinissaat aammalu qanoq ukiup ilaannaatigut suliaortartut suliffinni suni qanorlu sivisutigisumik Kalaallit Nunaanni najugaqartarnersut?
2. Naalakkersuisut nassuiarsinnaanerpaat malittarisassat atuuttut, ukiup ilaannaani suliaortartut qaqugukkut Kalaallit Nunaannut akileraartussaataitaanissaannut?
 - a. Naalakkersuisut nassuiarsinnaanerpaat, kisitsisaatigineqarnerseq, ukiup ilaannaani suliaortartut qassit Kalaallit Nunaanni akileraartutut nalunaarsorneqarsimanersut ukiut tallimat kingulliit iluanni?
 - b. Naalakkersuisut paasissutissiissutigisinnaanerpaat, kalaallit sulisitsisut qassit, akissarsianik nalunaaruteqarsimanersut A-skattimullu akiliisimanersut ukiup ilaannaani suliaortartunut killilimmik imaluunniit tamakkiisumik akileraartussaataitaasut piffissami tassanerpiaq?
 - c. Paasissutissaqarpa, nunanit allaninngaanersut ukiup ilaannaani suliaortartut qanoq annertutigisumik ukiumut akileraarutigut akiliisarsimanersut ukiut tallimat kingulliit ingerlaneranni?
 - d. Nakkutilliinerit- sissuernerillu suut aallartinneqarsimappa qulakkeerniarlugu, ukiup ilaannaani suliaortartut akileraartussaataitaasut akileraarutinik nalunaarutiginninnissamut akiliinissamullu malittarisassat atuuttut malinneqarnerseq qulakkeerniarlugu?
3. Naalakkersuisut ilisimasaqarnerpat, ukiup ilaannaani suliaortartut Kalaallit Nunaanni sulisarsimanersut akileraartussaataitaasutut nalunaarsimanatik?
 - a. Taamaattoqarsimappat, suliniutit suut aallartinneqarsimappat tamakku misissorniarlugit paasiniaarlugilluunniit?
4. Ukiup ilaannaani suliaortartunut taakkulu akileraarutinut akiliutaannut paasissutissanik qitiusumi peqartoqanngippat, taava Naalakkersuisut piumassuseqarpat taakku nakkutigineqartuarnissaannut nalunaarsorneqarnissaannullu pilersitsinissamut?
 - a. Naalakkersuit sulisitsisunut aammalu nunanit allanit ukiup ilaannaani suliaortartunut toraagalimmik akileraarutigut pisussaaffiit pillugit paasisitsiniaassallutik eqqarsaasersuuteqarnerlutik?



**i. Taamaassappat – qaqugu qanorlu tamanna aallartissallugu
pilersaarutigineqarpa?**

5. Naalakkersuisut oqaluuserisamut soqutiginaatilinnik allanik paasissutissiisinnaanerlutik?

(Inatsisartunut ilaasortaq Jørgen Rosbach, Demokraatit)

Tunngavilersuut

Nunanit allaneersunik ukiut ilaannaani suliaartortut, maani nunatsinni sulisut maluginiarneqaraluttuinnarput. Pingaartumillu takornariaqarnermi, aalisarnermi sullissisutullu inuussutissarsiornermi.

Pingaarteqarpoq, sulisitsisut aamma sulisut akileraartarnermut malittarisassanik atuuttunik malinninnissaat. Tassungalu ilutigalugu pingaarteqarpoq qulakkiissallugu, inunnit, sulisunit nunatsinnilu inisimasunit, inuiaqatigiit akileraarutigut isertitassanik annaasaqannginnissaat.

Apeqquteqaatima ullut suliffiusut qulit iluanni akineqarnissaat qilanaaraara.